

## AUGLÝSING

### um útgáfu sérstaks blaðs vegna vörumerkja og einkaleyfa.

Frá ársbyrjun 1984 verða auglýsingar og aðrar tilkynningar er varða vörumerki og einkaleyfi birtar í sérstöku blaði sem gefið verður út á vegum iðnaðarráðuneytisins. Jafnframt verður hætt að birta auglýsingar um þessi efni í Lögbirtingablaði og Stjórnartíðindum.

Ákvörðun þessi er tekin með skírskotun til 20. gr. laga nr. 47/1968 um vörumerki og 19. gr. laga nr. 12/1923 um einkaleyfi.

*Iðnaðarráðuneytið, 28. desember 1983.*

F. h. r.

**Páll Flygenring.**

*Gunnar Guttormsson.*

28. desember 1983

Nr. 802

## REGLUGERÐ

### um dómsmálajöld o. fl.

#### I. Gjöld samkvæmt lögum um aukatekjur ríkissjóðs, nr. 79 23. desember 1975, sbr. lög nr. 13 5. maí 1978.

1. gr.

Dómsmálajöld í einkamálum skal greiða sem hér segir:

A. Fyrir héraðsdómi:	kr.
1. Gjald fyrir áritun eða útgáfu stefnu .....	30,0
2. Gjald fyrir þingfestingu .....	240,0
3. Gjald fyrir vitnaleiðslu (fyrir hvern mann) .....	50,0
4. Gjald fyrir úrskurð undir rekstri máls .....	75,00
5. Gjald fyrir dómkvaðningu (fyrir hvern mann) .....	75,00
6. Gjald fyrir staðfestingu dómsgerða .....	60,00
7. Gjald fyrir kærui til Hæstaréttar .....	290,00
8. Gjald fyrir sjóferðarpróf .....	580,00
B. Fyrir Hæstarétti:	kr.
1. Gjald fyrir útgáfu stefnu .....	45,00
2. Gjald fyrir þingfestingu .....	390,00
3. Gjald fyrir vitnaleiðslu (fyrir hvern mann) .....	75,00
4. Gjald fyrir úrskurð undir rekstri máls .....	100,00
5. Gjald fyrir dómkvaðningu (fyrir hvern mann) .....	100,00
6. Gjald fyrir staðfestingu dómsgerða .....	80,00
7. Útivistargjald .....	390,00

2. gr.

Í gagnsökum, framhaldssökum, meðalgöngumálum og sakaukamálum skal greiða gjald samkvæmt 1. gr.

Í barnsfadernismálum, málum um innheimtu vinnulauna og kjörskrármálum skal engin réttargjöld greiða. Í gjafsóknarmálum skal gjafsóknarhafi engin réttargjöld greiða.

## 3. gr.

Fyrir fúgetagerðir, aðrar en þær, sem um ræðir í 2. gr. aukatekjulaga, skal greiða sem hér segir:

	kr.
1. Kyrrsetning á manni .....	290,00
Séu fjármunir jafnframt kyrrsettir, skal gjalda fyrir það eftir 2. gr. aukatekjulaga:	
2. Útburður manns af jörð eða húsi .....	290,00
3. Innsetning á jörð eða í hús til umráða .....	290,00
4. Aðrar fúgetagerðir, er fara fram á það, er eigi verður metið til peningaverðs .....	290,00
Fyrir lausnargerð skal gjalda eftir grein þessari, sé kyrrsetning manns með henni niður felld.	

## 4. gr.

Fyrir að gefa út innköllun til skuldheimtumanna skal greiða 100,00 kr.

## 5. gr.

Fyrir uppboðsgerðir skal greiða sem hér segir:

1. Fyrir að semja og gefa út auglýsingu um uppboð skal gjalda 100,00 kr.
2. Þegar uppboð er haldið á fasteign eða öðru því, er um getur í 11. gr. aukatekjulaga, en sala fer eigi fram við uppboðið, svo og þegar hamarshögg er veitt upp á væntanlegt samþykki, en það bregst, skal gjalda 290,00 kr. fyrir árangurslaust uppboð.
3. Nú hefur uppboðs verið beiðst hjá uppboðshaldara og séð hefur verið um birtingu á því, en beiðnin er svo kölluð aftur, og skal þá aðeins greiða gjald fyrir birtingu samkvæmt 1. tölulið. En sé beiðnin eigi kölluð aftur fyrr en búíð er að setja uppboðsþingið, skal gjalda 290,00 kr. eins og fyrir árangurslaust uppboð.
4. Fyrir að gefa út afsalsbréf fyrir fasteign, er seld hefur verið á uppboði, skal gjalda 200,00 kr.
5. Fyrir undirboðsþing skal greiða 200,00 kr.

## 6. gr.

Fyrir að þinglýsa skjölum skal greiða 85,00 kr. Sé skjölum þinglýst fyrir Hæstarétti skal greiða 120,00 kr.

Eigi skal greiða gjald fyrir þinglýsingu úrskurða um sviptingu sjálfræðis eða fjárræðis né úrskurða um brott nám lögræðissviptingar.

## 7. gr.

Fyrir notarialgerðir skal greiða sem hér segir:

	kr.
1. Afsagnargerðir (aðrar en víxilafsagnir) stefnubirtingar, er notarius framkvæmir, svo og aðrar slíkar gerðir .....	100,00
2. Notarialvottorð á arfleiðsluskrá .....	150,00
3. Notarialvottorð á samninga, umboðsskjöl eða aðra slíka gerninga .....	100,00
4. Dráttur í happdrætti .....	390,00
5. Útdráttur skuldabréfa .....	200,00

**II. Gjöld samkvæmt umferðarlögum nr. 40 23. apríl 1968.**

## 8. gr.

	kr.
Fyrir próf ökumanna skal greiða sem hér segir:	
1. Almennt bifreiðastjórpróf .....	320,00
2. Próf í akstri bifhjóla .....	240,00
3. Próf í akstri léttra bifhjóla .....	80,00
4. Próf í akstri dráttarvéla .....	160,00
5. Ökukennarapróf .....	1 200,00

## 9. gr.

	kr.
Fyrir skírteini skal greiða sem hér segir:	
1. Leyfi til að stýra léttu bifhjóli .....	50,00
2. Leyfi til að stýra dráttarvél .....	50,00
3. Löggilding ökukennara .....	200,00
Sama gjald skal greiða fyrir samrit.	

## 10. gr.

Fyrir leyfi til að selja á leigu í atvinnuskyni skráningarskyld ökutæki til mannflutninga án ökumanns skal greiða 950,00 kr.

## 11. gr.

Fyrir notkun bráðabirgðaskráningarmarkis ber að greiða 1 400,00 kr. á ári. Nú leyfir lögreglustjóri notkun bráðabirgðaskráningarmarkis í styttri tíma, og greiðir eigandi ökutækis þá fyrir notkun og ábyrgðartryggingu 100,00 kr. fyrir hvern dag eða hluta úr degi, er hann hefur bráðabirgðaskráningarmarki í sínum vörslum. Gjaldið greiðist fyrirfram miðað við áætlaðan notkunartíma.

**III. Gjöld samkvæmt lögum um skotvopn, sprengiefni og skotelda, nr. 46 13. maí 1977.**

## 12. gr.

	kr.
Fyrir skotvopnaleyfi skal greiða sem hér segir:	
1. Fyrir hvert skotvopn, sem skráð er, hvort sem það er nýtt eða notað ....	200,00
2. Fyrir endurnýjun á skotvopnaleyfi, án tillits til fjölda skotvopna .....	100,00
3. Fyrir afnotaleyfi samkvæmt 19. gr. reglugerðar um skotvopn og skotfæri, nr. 16 1978, sbr. reglugerð nr. 174 1979 .....	50,00
Gjaldfrjáls eru leyfi fyrir skotvopnum, sem varanlega hafa verið gerð ónothæf og leyfi samkvæmt 3. málsg. 8. gr. reglugerðar nr. 16 1978.	

## 13. gr.

Gjöld samkvæmt reglugerð þessari renna í ríkissjóð.

## 14. gr.

Reglugerð þessi öðlast gildi 1. janúar 1984.

Jafnframt fellur úr gildi reglugerð nr. 781 28. desember 1982 um dómsmálagjöld o. fl.

*Dóms- og kirkjumálaráðuneytið, 28. desember 1983.*

**Jón Helgason.**

Ólafur W. Stefánsson.